

伊川擊壤集卷之三

賤三

伊川 邵 雍 老夫

賀人致政

人情大率喜為官達士何嘗有所牽解印本
非嫌祿薄掛冠殊不為高年因通物性與衰
理遂悟天心用捨權宜放襟懷在清景吾鄉
況有好林泉

初秋

夏去暑猶在兩餘涼始來塔前已流水天外
尚驚雷曲几靜中隱衡門闌處聞壯心都已
矣何事更裝懷

偶書

堪笑又堪嗟人生果若何宜將萬端事都入
一聲歌世態逾翻掌年光劇逝波靜中真氣
味所得不勝多

傷足

災由無妄得為患固非深非已攝生理貽親
憂慮心乍然艱步履爾阻登臨逾月方能
出難忘樂正歲

閑行

園圃正蕭然行吟遶澤邊風驚初社後葉墜
未霜前衰草襯斜日暮雲扶遠天何當見真
象止可入無言

晨起

山高水復深無計奈如今地盡一時事天關
萬古心輕煙籠曉閣微雨散青林此景雖平
淡人間何處尋

月夜

雨霽風自好秋深天未寒移牀就塔下看月
出林端有酒欲共飲無賓可同歡他時過良
友此景復求難

盆池

三五小園荷盆容水不多雖非大數澤亦有
小風波粗起江湖趣殊無鴛鴦過幽人興難
遏時速醉吟哦

遊山二首

洛川多好山伊川多美竹遊既各有時雖頻
無倦目貪清非傷廉瀆幽不為辱麋鹿不害
人心無害麋鹿
二室多好峯三川多好雲看之不知倦和氣

潛生神一慮若動蕩萬事紛紛紅人言無事
貴身為無事人

龍門道中作

物理人情自可明何嘗感感向平生卷舒在
我有成算用捨隨時無定名滿目雲山俱是
樂一毫榮辱不須驚侯門見說深如海三十
年來掉臂行

名利吟

名利到頭非樂事風波終久少安流稍鄰美
譽無多取纔近清歡與賸求美譽既多須有
惠清歡雖賸且無憂滔滔天下曾知否覆轍
相尋卒未休

三十年吟

三十年間更一世其間堪笑復堪愁天生天
殺何嘗盡人是人非殊未休善偶鴛鴦頭早
白能啼杜宇血先流須知却被才為害及至
無才又却憂

答人放言

經時不見意何如重出新詩笑語初物理悟
來添性淡天心到後覺情疎已全孟樂君無

限未識遠非我有餘大率空名如所論此身
甘老在熊漁

遊洛川初出厚載門

初出都門外西南指洛陬山川開遠意天地
掛雙眸村落桑榆晚田家禾黍秋民間有此

樂何必待封侯

宿延秋莊

驅車入洛川下馬弄飛泉下有雲山樂殊無
朝市喧非唯快心志自可忘形言借問塵中
友誰為得手先

宿壽安西寺

好景信移情直連毛骨清為憐多勝槩尤喜
近都城竹色交山色松聲亂水聲豈辭終日
愛解榻傍虛楹

過水濟橋二首

山背錦幃開河臨水濟迴土田平似掌桑柘
大如槐斜日射虹去低雲將雨來無涯負清
景長是愧非才

一水一溪門溪門雲復屯珍禽轉喬木幽鹿
走荒榛兩脚拖平地稻畦扶遠村高城半頽

缺典廢事休論

至福昌縣作

清景幾人愛愛之當遠尋及臨韓嶽近始見
洛川深縣在雲山腹民居水竹心無機類閑
物愈覺少知音

燕堂即事

川上數峯青林間一水明闊雲無定體幽鳥
不知名遊侶既非約歸期莫計程錨鉢人世
事休強作威撐

上寺看南山

登臺是峯巒西連梁雍寬與其行裏看不若
坐中觀包括經唐漢并吞歷晉韓消沉事難
問唯爾尚噴噴

縣尉解宇蓮池

縣尉小齋前水清池有蓮豈唯觀菡萏兼可
聽海濶宛類江湖上殊非塵土邊古人用心
處料得不徒然

女几祠

西南有高山山在杳冥間神仙不可見滿目
空雲煙千年女几祠門臨洛水邊但聞窈窕

曲世人猶或傳

故連昌宮

洛水來西南昌水來西北二水合流處宮牆
有遺壁行人徒想像往事皆陳跡空餘女几
山正對三鄉驛

川上懷舊

去秋遊洛源今秋遊洛川水雖無情人心
剛悄然目亂千萬山一山一重煙山盡煙不
盡煙與天相連

田夫忙治禾水禽閑求魚一者皆苦食動靜
何相殊事過見休感時來知卷舒何顧此二
物易地還何如
為今日之山是昔日之原為今日之原是昔
日之川山川尚如此人事宜信然幸免紅塵
中隨風浪着鞭

地迥川原闊

地迥川原闊村孤煙水闊雷輕龍過一作浦
雲亂雨移山田者荷鋤去漁人背網還伊予
獨霑濕猶在道途間

燕堂暑飲

燕堂通高明簷依斷崖嶽涼風來於稍清泉

入吾牖中心既已平外物何嘗誘餘事豈足
論但恐罇無酒

青蕉葉披敷碧蘆枝偃亞風雨蕭蕭天更
沉沉夜彼物固無嫌此情又何訝但念征
路天涯尚留掛

淡煙幕疎林輕風裊寒雨日暮人已歸羣
鷄猶啄黍此心固不動此事極難處一言以蔽
之高恐費言語

八月炎涼均氣味亦自好臨虛喬木仙遠望
行人小有跡事皆妄無心物都了何須更問
辛願君自食麥

黃黍秋正熟黃鷄秋正肥此物劉易致古人
多重之可以近賓友可以奉親闈有禍能卒
歲此外何足為

稻徐天所生麴孽人所製釀之命為酒飲之
可成醉剛者使之柔懦者使之毅善移造物
權其功亦不細

秋色日漸深老心日益懶倦即下塔行闌來
弄書卷廣陌多風塵見說難開眼侯門已是
深帝闈又復遠

塞鴻猶未來梁燕已辭去雲山千萬重相逢
在何處爰業都城門線逸長亭路風土敗人
衣纔新又成故

斷續蟬聲外稀疎鷹下前年光空去也人事
益蕭然洗竹留新筍蠶書得舊編誰知養心
者肯與世爭權

中秋光景好中州煙水奇天重初寒候人便
半醉時揚綠明月掃襟待好風吹一點宵中
事人間都不知

良月滿高樓高樓仍中秋午夜冷露下十里
寒光流何人將此鑑拂拭新磨休照破萬古
心白盡萬古頭

寒露經衰草淒風搖晚林鳥聲上復下天氣
晴還陰節改一時事人懷千古心誰云于期
死舉世無知音

風柳散如拆霜雲淡如掃高樓破危空低煙
裊寒早此際興不盡何以戰秋老止可特酒
瓶同向西風倒

池荷日取敗籬菊日就荼其于品彙則自與
節氣爭盛衰不同時賢愚難並行安得松桂

心四時長青青
人老秋更老山深水復深高木已就脫慧禽
空好音筋骸非曩日道德負初心賴有餘編
在時時尚可尋

九月氣乍肅衰柳猶有蟬霜外疎鐘斷風餘
清籟傳千山亂遠目一鷗摩高天自非出世
人而敢危行言

飽霜梨多紅久雨榴自罇此果世稱珍厥味
是可訖地有百物備天無一言掛我思尚有
言不得同造化

惟南有美橘惟北有美栗厥包或頗同厥味
信不一天地豈無情草木皆有實物本不負
人人自負于物

蛺蝶遠寒菊蟋蟀鳴空塔門前有犬卧盡日
無客來清波靜中流白雲閑處堆何以發天
和時飲酒一盃

紅葉戰西風黃花笑寒日天道有消長人事
無因必靜勝得遺味去知餘失利害不相
洽是非然後出

九日登高會尋幽講雅歡俗風追故事天氣

薦輕寒白酒連酌飲黃花帶露觀消沉浮世事何足重沈瀾

山橫暮靄中鳥逝孤煙外殘菊憂霜推幽蘭懼風敗患難人不喜富貴人所愛我心自不有愛憎豈能賣

水寒潭見心木落山露骨始信天無涯萬里不隔物脫衣掛扶桑引手探月窟不負仁義心區區五十一

草綠露霑衣草衰風切肌物情非作異人意強生疑岐動揚朱泣絲添墨子悲知之何太晚徒自淚淋漓

萬里晴天外一片霜上月長松挺青葱羣卉入消歇有齒日益衰有髮日益脫獲罪固已多此心難屑屑

草枯山川貧木落天地瘦土口風大行雲罅日微漏既往不復追未來尚可救餘事不忍言言之必成咎

飲酒不甚多數盃醺心顏未醺不可止既醺勸亦難誰云萬物廣豈出天地間誰云萬事廣豈出人情間

和陝今張師柔石柱村詩

君為陝縣今我實康公孫始祖有遺烈託君訪其存夫君有詩來題云石柱村石柱之始立於古無所根就勒分陝銘惟唐人之言既歷年所多首尾無完文難以從考正將焉求其源我思讀書寡知識無過人經書史傳外不能破羣昏從長卿公羊宜自陝而分從君陳畢命宜成周而云二者兼取之於義自或奪分政東西郊可以陝洛論此說如近之庶幾緩紛紜甘棠之蔽芾石柱之青新當時之盛事予不得而親二南之正化二公之清芬千載之美談予可得而聞棄經而任傳儒者固不遵作詩以明之馳此庸報君

放言

既得希夷樂自無寵辱驚泥空終是著齊物到頭爭忽忽閑拈筆時時自寫名誰能苦真性情外更生情

伊川擊壤集卷之三

伊川擊壤集卷之四

伊川郡 雍堯夫

天津新居成謝府尹王君貺高書嘉祐七年

嘉祐壬寅歲新果始傳功仍分道德里更近帝王宮樞仰端門峻軒迎兩觀雄窻虛響瀝瀾臺迴環伊嵩好景尤難得昌辰豈易逢無才濟天下有分樂年豐水竹腹心裏鶯花淵藪中老萊歡不已靜節與何窮嘯傲陪真侶經營賀府公丹誠徒自寫匪報是恩隆

新春吟

多病筋骸五十二新春猶得共銜盃踐形有說常希孟樂內無功可比回燕去燕來徒自苦花開花謝漫相催此心不為人休感二十年来已若灰

有客吟

伊嵩有客欲無言進退由來盡俟天好靜未能忘水石樂閑非為學神仙休嗟紫陌難為客且喜清風不用錢枉尺直尋何必較此心都大不求全